



情人節

到底一冬有幾個情人節？毋是 2 月 14 彼工才過煞，哪會 3 月 14 閣來一个白色的？閣有人講舊曆 7 月初 7，牛郎織女相會，才是正港漢文化的情人節。一冬遮濟个情人節，有對象的糖甘蜜甜，跋落生理人挖予你跳的空，開錢買花，鑲信用卡送禮物，訂飯店食浪漫的燭光暗頓。其實錢攏予人趁趁去。

啊若遐的無愛人仔的是欲按怎？『line』頂懸，毋管是情人、有情人，抑是有友情的人，攏咧鬥鬧熱、傳祝福的圖、圖洗情人節講一寡笑話。有一个人足怨嘆，共朋友喃講：「情人節無情人欲按怎？敢愛揣一个情人來過節？」個朋友就應講：「免啦！總袂當清明無死人通拜，就揣一个死人出來！」講嘛有道理，遮好笑的比喻，應當有安慰著一寡羅漢跤仔的心靈才著。閣傳講有餐廳趁時機欲趁大錢，竟然貼一塊廣告「慶祝情人節，系女朋友來拍 95 折，系某來拍 9 折，系女朋友恰某做伙來的免錢。」真正僥倖閣天兵啦！啥人敢共天公借膽去食免錢的？

因為笑話、好耍，逐家就傳來傳去。結果加水加豆腐，問講若加系一个女朋友，敢會當免錢閣送禮物？敢會當加系一个閣加一份？若系家己的嬌某恰伊腹肚內彼个前世的情人，欲按怎算？遮的問題就愛留予頭家去頭殼疼囉！

我嘛有轉傳一束嬌嬌的玫瑰花予我的學生群組，因為個這馬是娶某生团的年歲矣。老師就是老師，三句不離本行，教個拄著愛人仔喺愛較甜咧，目睭睭予金，跤手較骨力咧，毋通干焦用講的，愛表現出來，共心愛的人鬥相共，做一項予伊歡喜的工課！毋過，我越頭一下想，群組內底羅漢跤仔占多數，個的心理嘛著愛顧。

因為拄好倚食晝的時間，我滾耍笑講，無法度請逐家去食千外籬的燭光暗頓，看有人欲出來和老師食「情人節水餃煎」無。按呢我嘛算做是「有情有義的人」啦！因為臨時臨么，自由參加，我干焦講時間地點，結果，無半个人來。春天涼冷的街路頂，賭我這個「有情人」孤單過情人節。想想咧，無人愛嘛無要緊，一世人家己愛家己，疼惜家己上重要，我就換去食隔壁我上愛的蚵仔麵線。閣貼相片分個看，逐家笑甲！

作者：王秀容

☆詞彙學習☆

【舊曆】kū-lik：農曆。

【骨力】kut-là：勤勞。

【圖洗】khou-sé/khou-sué：諷刺、挖苦人家。

【滾耍笑】kún-sng-tshio：開玩笑。

【喃】nauh：小聲的自言自語。

【臨時臨么】lím-sî-lím-iāu：突然之間；突如其來沒準備。

【羅漢跤仔】lô-hàn-kha-á：單身漢。

【僥倖】hiau-hing：行事不義，有負其他人。

【笑甲】tshio kah：笑得很開懷。